

江北廳志

卷叁
卷肆

4297.719.3
(2)

卷三

食貨

賦役 戶口 積貯
科政 師典 義附
物產 三豐公田
鹽政 茶政 木政
祥異

卷肆

學校

廟祀 禮制 陳設
樂章 舞譜 執事
儀注 祝文 禮器
樂器

江北廳志

江北廳志

食貨志

同知潤田福珠朗阿纂修

訓導蔚堂宋

煊編輯

賦役一

附存留
稅課

周禮九賦致財九貢致用要不出什一而稅之法蓋取財於民實卽藏富於民而有賦則有役又定以三人二人一人之制公旬三日二日一日之期無過取亦無濫役也降及後世賦役不均稅外橫取青苗均輸名色屢變煩苛滋擾民益不堪迄於有明則有夏稅秋糧折征撥運種種弊法其雜派則有荒絲棉花麀皮白蠟柴薪硃漆等項徭役稱之礦使滿天下而所得不償所失民日以困國愈以貧盜賊四起卒以不救我

國家撫有寰宇川省旣入版圖自康熙六年至五十一年陸續奉行清查地畝丈出田地照則起科其有

盛世滋生戶口永不加賦仰見

皇仁寬大愛養黎元薄賦輕徭民氣和樂二百年來士食舊德民服先疇誠有身蒙樂利而不識

帝力之何有者豈不懿歟志賦役

江北自乾隆二十四年爲縣治遼闊等事案內奉行將巴縣義禮二里仁里六甲田地頃畝丁糧數目分撥歸廳管理徵收

一上田一千三百九頃一十二畝六分八釐

每畝徵丁條糧銀七釐

應徵丁條糧銀九百一十五兩七錢八分二釐

一中田一千九十頃八十三畝九分三釐

每畝徵丁條糧銀六釐一毫二絲

應徵丁條糧銀六百六十七兩七錢六分八釐二絲

一下田一千九百六十三頃六十九畝二釐

每畝徵丁條糧銀五釐二毫四絲

應徵丁條糧銀一千三十兩四錢五分八釐

一中地一千七百二十三頃五十畝七釐

每畝徵丁條糧銀一釐六毫二絲

應徵丁條糧銀三百二十五兩二錢一分九釐

一下地二千一百六頃五十六畝

每畝徵丁條糧銀一釐六毫二絲

應徵丁條糧銀三百四十兩六錢九分現在嘉慶十七年報部實計上中下坡坎陡荒及學田地共八千一百九十三頃十七畝七分共徵丁條糧銀三千二百七十九兩九錢一分七釐一絲每正銀一兩徵耗銀一錢五分共徵耗銀四百九十一兩九錢八分七釐五毫五絲

應徵正耗銀三千七百七十一兩九錢四釐五毫六絲康熙九年奉文加徵閏銀查照舊

時全書核算每遇閏年正銀一兩加徵閏銀二分四釐一毫七絲二忽七微三纖二沙一渺共徵銀七十九兩三錢八釐三毫九絲閏銀每兩加徵耗銀一錢五分共徵閏耗銀一十一兩八錢九分六釐二毫六絲

現徵正閏耗銀三千八百六十三兩一錢九釐二毫一絲自分隸以來並無開懇及
增出
別處田地

存留

一本廳春秋二祭

武文

廟及社稷神祇各壇祀原編祭祀銀十二兩於地丁銀內扣留其有不敷同知自行捐辦

一本廳廩生原額六名每名歲支餼糧銀三兩二錢共銀十九兩二錢遇閏加銀二錢六分六釐六毫六絲六忽六微四纖於康熙五十年正月內奉文於本縣地丁銀內扣留支給
年終造冊奏銷支剩銀兩解貯布政司庫聽候撥支

歲支

一本廳同知一員歲額俸銀八十兩

額設衙役二十九名內快役十二名皂役八名門役二名轎傘扇夫七名每名歲支工食銀六兩共銀一百七十四兩作作一名歲支工食銀六兩學習作作一名歲支工食銀三兩共銀九兩民壯六名每名歲支工食銀八兩共銀四十八兩

額設倉夫四名斗級二名每名歲支工食銀六兩共銀三十六兩

額設禁卒四名更夫四名每名歲支工食銀六兩共銀四十八兩

額設舖司一十九舖每舖設立舖司兵三名共兵五十七名每名歲支工食銀六兩共銀三百四十二兩遇閏每名加增工食銀五錢共增銀二十八兩五錢

一江北廳儒學訓導一員歲額俸薪銀四十兩

額設衙役二名內門斗一名膳夫一名每名歲支工食銀六兩共銀十二兩

一江北廳照磨一員歲額俸銀三十一兩五錢二分養廉銀九十兩

額設衙役二名每名歲支工食銀六兩共銀十二兩

以上祭祀官俸廩糧歲共支銀二百八十四兩七錢二分衙役件作禁卒更夫民壯捕役斗級倉夫舖司及各衙門歲支工食共銀五百零七兩均於本廳地丁銀內扣留支給年終造冊奏銷起運

每年丁條糧銀除存留歲支外起運

布政司庫銀三千三百五十六兩一錢零

附稅課

一田房稅契歷無額數儘收儘解嘉慶十五六年總督常明奏明加增飭令府州廳縣遵照現議章程無容短絀仍令儘數報解

當課銀十兩

康熙四十六年四川巡撫能泰請設渝關每年木稅係川東道征收

附能泰疏爲敬陳管見以裕稅課事竊惟川省地方山深林密產木頗多但從前榷課之時止將杉板報稅其餘木植概未議徵查歷來抽稅檔案所收杉板稅銀寥寥無幾且商

販所運木植過關時止納板稅其餘木植運赴湖廣江南貨賣者湖廣江南俱係一體抽稅而出木之省反不徵收揆例似有未協應請將川省木植嗣後俱照杉板抽稅之則估木徵收庶例得歸於畫一矣臣查重慶爲川江上流要區木多由彼經過而夔州府與楚接壤俱係川東道管轄凡稽查木植事宜應責成該道總理徵收如此則商無隱避而稅課益增矣臣謹具

題伏乞

皇上勅部議覆施行

乾隆十七年四川總督策楞請將川省渝關木稅歸併夔關令夔州府遞年征收彙解奏銷照夔關之例以乾隆十八年正月初一日起至十二月底按年報銷畫一辦理奉

旨依議

渝關徵收木稅正額銀五千兩盈餘銀一百二十一兩一錢三分一釐正額盈餘共銀五千一百二十一兩一錢三分一釐歸併夔關彙解司庫每月徵收銀數由廳按月造報

公議徵納條糧章程碑記

稽古畫野分疆而經制以備任土作貢而賦稅以與故

聖諭有云完錢糧以省催科是閭閻服疇食德所急公奉於上者首重丁糧著爲令典依限而納勿待追呼私派橫徵悉行禁革江北至乾隆二十三年分駐仁義禮三里民籍於巴縣丁糧內撥出條糧三千二百七十餘兩照規徵解後因輸納殊異四十六年聶譜等控經前督部堂福批糧戶完納條糧例扣一五火耗絲毫多索皆屬駁民具控江北廳銀匠朱啓秀鈎串快頭戴子常等每銀一兩詐索錢至二千二百之多實屬大干法紀仰川東道飛提嚴究詳報如虛反坐繼此條糧俱係戶房經管上年戶房徵收與巴縣糧碑不符遂致紳士鄧颺廷王淡齋等以藉公浮收控戶吏蒙聲遠等於前任李主接以違例浮收控府憲俞批據稱江北戶吏蒙聲遠等違例浮收糧銀以少算多侵吞肥已並串通鄉約出錢擡墊苛索良民如果屬真殊干法紀候移江北廳速卽嚴查究革牒覆查奪爾等卽仍赴廳質審如果該書吏等弊朦延案聽候移提訊究暨控巡憲范批戶書蒙

聲遠如果浮收糧銀侵吞肥已並串通鄉約出錢墊納藐法已極既經控府批廳審究因何並不嚴究禁革仰江北廳速行查訊究報懸久未沐定規今鄧鵬廷王淡齋等以違例違斷請示督憲常批戶書蒙聲遠等浮收條糧火耗擡墊掣票無端詐磕等情如果屬實大千功令仰重慶府卽逐件嚴究詳辦此呈仍繳批府移送憲轅米主訊詳紳士葉廷馥黃宗義等不忍控累邀集紳耆妥議明晰遵照巴縣鐵碑每正糧銀一兩完銀一兩四錢五分正糧銀一錢完銀一錢四分五釐正糧銀一分完銀一分四釐五毫潤銀火耗敷平趕戡封桶解費諸項俱包在內不得以釐作分戶書銀匠不得議外浮取糧戶不得違限抗納鄉約胥役不得早爲擡墊衆心咸服累懇詳銷第江北與巴縣雖隔一江公事自應同體辦理弗至兩歧以昭公允由茲以後我廳民耕田鑿井擊壤鼓腹仰荷聖天子念切民瘼薄賦緩徵恩澤士民敬體任土作貢一道同風至意仍同巴縣鐵鑄糧碑議定章程勒石以誌不朽云爾

外議油票每張給錢四十文以作紙筆之資

嘉慶十六年仲冬月上浣閭廳紳耆糧戶等公立

江北廳志

食貨志

戶口二

古者民數掌於司民版籍陳於司寇天子拜之天府藏之凡所以重民者以民爲國本也郡自明季饑饉之餘繼以兵燹熙攘之衆靡有孑遺訖我

朝仁風四扇恩溥德洋元氣始還瘡痍盡復二百年來休養生息編戶益繁衆叶維旃之占戶見丁男之盛良司牧又從而鞠之育之煦之嫗之漸之以仁摩之以義所以編伍之氓莫不歌樂利而慶生成也志戶口

廳屬戶口自乾隆二十四年於縣治遼闊案內奉撥巴縣仁里六甲義禮二里戶口隸廳管轄徵輸計載冊糧戶及滋生花戶七千七百戶人丁男婦五萬一千零十四丁口至乾隆六十年止增添九千四百零五戶增添男婦二萬四千七百三十丁口新舊編計承糧花戶一萬七千一百零五戶人丁男婦七萬五千七百四十四丁口

嘉慶元年以後未經奉行清查並無撥出增入別處戶口統前編計又增添戶口三千五百二十一戶增添人丁男婦一萬五千九百七十丁口現在十七年報部實在承糧花戶二萬零六百二十六戶人丁男婦九萬一千七百一十四丁口男四萬七千三百八十五丁婦四萬四千三百二十九口又自嘉慶十八年起至道光二十二年民間買賣田產時有增減現在承糧花戶人丁共十萬零三千二百三十二丁口

江北廳志

食貨志

積貯三

順治十一年部議各府州縣俱有豫簡常平及義社倉積貯備荒責成道員稽查舊積料理新儲每年二次造冊報部察積穀多寡分別議奏以定功罪十二年題

准各衙門自理贖錢春夏徵銀秋冬積穀悉入常平倉備賑十七年議

准常平倉春夏出糶秋冬糴還平價生息務期便民如遇凶荒卽按數給災戶 康熙十年

題

准地方官整理常平倉勸諭官紳士民捐輸米穀照例議叙鄉村立社倉鎮店立義倉捐輸積貯公舉本鄉敦重善良之人管理出陳易新春月借貸秋月償還每石收息一斗歲底州縣將數目詳呈上司報部管倉人儲穀多者題名給頂戴榮身官吏掊尅者照侵欺錢糧例處分強派抑勒者題參治罪十九年部議常平倉穀留本城備賑義倉社倉穀留本